



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. D. Antonini Diana Panormitani, Cler. Reg. & S. Officij  
in Regno Sicil. Consultoris, Practicæ Resolutiones  
Lectissimorum Casuum**

**Diana, Antonino**

**Antverpiæ, 1645**

Indulgentia.

**urn:nbn:de:hbz:466:1-41753**

gistratus non tollit impedimenta canonica. Portel & alij. p. 3. tr. 2. ref. 102.

5 Filius Clerici, qui etiam est Clericus, non potest legitimari à Principe laico: quia legitimatio est actus iurisdictionis. p. 1. tr. 2. ref. 112.

## Indulgentia.

1 POTestas concedendi indulgentias potest acquiri consuetudine præscriptâ, sicut potestas dispensandi in votis. Laym. & alij 3. Illam tamen de facto non habent vel Concilium generale, vel aliqui Prælati Episcopo inferiores, etsi iurisdictionem habeant episcopalem. Granad. & alij 2. p. 5. tract. 12. ref. 21.

2 Indulgentia tot dierum, vel annorum intelligitur de diebus, & annis huius vitæ, & de pœnitentiis tot dierum iniunctis, vel iniungendis. Rodriq. & alij. *ibid.* ref. 39.

3 Ad valorem indulgentiæ requiritur causa non tantum pia, sed etiam proportionata. Suarez & alij 12. etsi contrarium etiam probabile sit. Valent. & alij 3. *ibid.* ref. 10.

4 Quando pro aliquo altari in Ecclesiâ conceditur indulgentia cum

clausulâ, vt ea sit nulla, si aliqua alia indulgentia concessa sit illam Ecclesiam visitantibus : hoc intelligitur de indulgentia planè simili, siue pro eodem festo. Vnde si illę sint pro diuersis confraternitatibus, vel Sanctis nihilominus valebunt. Gauant. & alij 2. p. 6. tr. 8. ref. 31.

5 Ecclesiam destructam, si reedificetur, vel aliò transferatur, retinere omnes indulgentias affirmat Bonacin. & Ghilin. Negat Lugo. sed quando auctoritate Superioris destructa est in pœnam, amittit omnia priuilegia. Laym. Similiter si festum, cui concessa est indulgentia, transferatur non tantùm quoad officium, sed etiam quoad solennitatem, transferri etiam indulgentias docet Syluius. Negant Fagund. & Azor. p. 5. tr. 12. ref. 20. & p. 6. tract. 7. ref. 32. & 31. & tr. 8. ref. 31.

6 Quando amisso numismate cui indulgentia annexa est, aliud in eius locum subrogatur, si casu postea reperitur prius, indulgentias tamen retinet posterius, sed tutius vtrumque seruabitur. Potest autem talis applicatio indulgentię fieri solo actu interno. Lugo. p. 6. tr. 7. ref. 33.

7 Non est necesse vt faciens opera præscripta sciat illa facientibus concessam esse indulgentiam. Layman & alij 3. saltem sufficit intentio lucrandi indulgentias, etsi illa non esset principalis: vt si quis in anno iubilæi primario iret Romam ad obtinendum beneficium, aliàs non iturus. Suarez & Granad. p. 5. tr. 12. ref. 6. & p. 4. tr. 4. ref. 24.

8 In indulgentiis omissio illius partis operis iniuncti est leuis, ita vt nihilominus lucreris indulgentiam, quâ omissâ censeris adhuc moraliter opus requisitum fecisse. Suarez & alij 9. non autem si è 5. Pater & Aue omittas vnum. p. 5. tr. 5. ref. 7. & tr. 12. ref. 23.

9 Non est necesse vt opera iniuncta fiant bene moraliter; quia non videtur Pontifex amplius exigere, quàm opus quod sufficit ad implendum præceptum diuinum, vel humanum. Suar. & alij 5. Quòd si quis præ turbâ non possit Ecclesiam præscriptam ingredi, sufficet foris orare; nam etiam cœmeterium tunc venit nomine Ecclesiæ. Laym. & alij 3. p. 5. tr. 12. ref. 5. & 19. Potest autem quis sæpius eodem die lucrari tales indulgentias, si sæpius visitet illâ Ecclesiam. Bonacia. & alij p. 1. tr. 11. ref. 104.

10 Eleemosyna cùm requiritur, non debet esse proportionata statui dantis, sed qualibet minima sufficit. Quod si expressè diceretur dandam esse iuxta facultates cuiusque, intelligenda est talis qualem quis extra iubilæum communiter dare consuevit. (Boss.) Pauperes verò qui viuunt de quotidiano labore non tenentur vllam dare. Henric. & alij 5. tutius tamen erit commutationem petere, vel sibi applicari. p. 5. 17. 12. ref. 14. 15. & 31.

11 Potest quis vno opere lucrari plures indulgentias diuersis titulis illi operi concessas, quando illud determinato loco, & tempore est adstrictum ita vt semel tantùm fieri possit, v.g. ieiunare pridie S. Ioannis Bapt. secus verò si opus præscriptum potest repeti. Granad. & alij. *ibid.* ref. 11.

12 Excommunicatus etiam contritus & quando non potest obtinere absolutionem, non potest tamen lucrari indulgentias; quia exclusus est à participatione meritorum. Suar. & alij 14. cōtraria tamen sententia pia est, & probabilis. Henric. & alij 3. *ibid.* ref. 13.

13 Indulgentiam pro defunctis lucrari potest etiam qui est in peccato mor-

ali.

ali. D.Thom. & alij 8. *ibid. ref. 38.*  
14 Indulgentiæ certò, & infallibiliter  
profunt defunctis. Suar. & alij 9. nec est  
necesse vt animæ peculiariter merue-  
rint in vitâ vt illæ sibi prodesse pos-  
sent. Granad & alij 3. Imò profunt et-  
iam catechumenis non mortuis tan-  
tùm, sed & viuis. Granad & alij 5. *Ibid.*  
*ref. 8. & 9.*

15 Indulgentia sublato impedimento  
peccati reuiuiscit, & effectum suũ sor-  
titur, sicut Baptismus. Granad. & alij 3.  
plerique tamen contrarium sentiunt.  
Suarez & alij 11. *Ibid. ref. 4. & p. 4. tr. 4.*  
*ref. 94.*

*Inquisitores.*

*Eorum potestas.*

1 Iurisdicatio Inquisitorum in se, & à  
principio est delegata, & habet om-  
nes excellentias delegatæ, sed caret eius  
imperfectionibus. Barbof. & alij 3. Vnde  
causas hæresis potest alteri delegare.  
Imò & an horum delegatus non possit  
subdelegare, dubium est. Pegna & alij.  
*p. 4. tr. 8. ref. 1. & 18.*

2 Non est cumulatiua, sed priuatiua;  
neque enim tunc possunt Episcopi de